



Gemeinsam Äntwert vum Här Inneminister, Léon Gloden, an der Madamm Justizministesch, Elisabeth Margue, op d'parlamentaresch Fro n°1475 vum 6. November 2024 vum honorabelen Deputéierten Marc Goergen zum Sujet "Impact de la situation sécuritaire en France sur le Luxembourg".

Fro 1 : Wéi eng Auswierkungen huet d'Sécherheetslag a Frankräich op eist Land?

Lëtzebuerg huet net mat vergläichbar grouse kriminellen Incidents ze kämpfen, wéi déi Schéisserei zu Villerupt oder de Beschoss vun engem RGTR-Linnebus zu Mont-Saint-Martin op déi den honorabelen Deputéierten sech bezitt. Mee Lëtzebuerg ass keng Insel an d'Regierung huet aus dem Kampf géint déi organiséiert Kriminalitéit eng Priotéit gemaach a wäert déi néideg Moyene zur Verfügung stellen, souwuel der Police, wéi och der Justiz.

Fro 2 an 3 : Wéi eng Moossnahmen goufen an de leschten zwee Joren ënnerhol, fir d'Zesummenaarbecht vun der Police a Justiz an der Groussregioun ze verbesseren?

Wéi eng weider Moossnahmen si geplangt?

Lëtzebuerg kollaboréiert säit Jore reegelméisseg mat de Nopeschlänner op bilateraler Basis, wéi och am Kader vun den interregionalen an europäeschen Initiativen.

Déi lëtzebuergesch Justizautoritéiten si reegelméisseg am Austausch mat hiren Homologen aus de Grenzgebieder fir sech iwwert d'Problematiken auszetauschen, déi eis Groussregioun betreffen. Dës Echangë fërderen eng méi effizient Kooperatioun tëscht eise Länner, wëssend dass de Kampf géint den Drogenhandel an déi organiséiert Kriminalitéit en transnationale Charakter huet.

2007 gouf den **Aarbechtsgrupp "3-M"** (3 Mosel) an d' Liewe geruff. D' Regionaldirektioun Centre-Est, notamment de Commandement vum Kommissariat Remich-Mondorf, den SPJ-Répression Grand Banditisme Centre-Est a sporadesch den Directeur régional Centre-Est, d'Compagnie de Gendarmerie Thionville, d'Brigade vu Rettel, de Polizeiposten Perl, d'Bundespolizei Perl, d'Kriminaldirektioun vu Merzig, souwéi de Kriminalbezirksdienst Saarburg, huelen un dese Reunionen ee Mol de Mount Deel. D'Zil ass den Informatiounsaustausch tëscht Enquêteuren an deene Regiounen ze stäerken. Thematische sinn notamment Déifstall, Abréich, Infraktiounen mat Drogen a Waffen, mee och d' Sich no Persounen a Géigestänn mat engem grenziwwerschreidende Charakter.

Am Kader vun der **EUREGIO**¹ ginn och reegelméisseg Reunionen tëscht Enquêteuren an Douanieren vum **Centre de Coopération policière et douanière (CCPD)** organiséiert, fir d'Zesummenaarbecht vu Lëtzebuerg, Frankräich an der Belsch ze fërderen am Beräich vun Echange vun operationelle polizeilechen Donnéeën an de Beräicher Drogen, Abréich an organiséiert Déifstall.

Den CCPD ass e weidert Beispill vun der gudder Kollaboratioun an existéiert zënter 20 Joer fir d'Policen an d'Douanen aus de véier Länner (Frankräich, Belsch, Däitschland a Lëtzebuerg) zesummen ze bréngen, fir den Informatiounsaustausch ze stäerken an d'Déngschtweeër ze verkierzen.

Am Kader vun der Groussregioun gëtt et zënter 2003 een **Aarbechtsgrupp "Sécherheet a Preventioun"** fir déi grenziwwerschreidend Zesummenaarbecht am Domaine vun der bannenzegter Sécherheet ze

¹ « Association sans but lucratif de droit luxembourgeois créée le 10 février 1995. Elle rassemble 40 collectivités de la Grande Région : communes, structures intercommunales, Landkreise et provinces »



stärken. Zousätzlech Enneraarbeitsgruppe goufen declinéiert an de Beräicher Verkéierssicherheit, Kriminalitéitspreventioun a Stärkung vun der operationeller Policekooperatioun.

Den neie **BENELUX Police Traité**, deen den 1. Oktober 2023 a Kraaft getrueden ass, renforcéiert d'polizeilech Kooperatioun vu grenziwwerschreidenden Enquêtes. Dozou gehéieren "actes d'exécution" déi eng besser Detektioun vu penalen Infractiounen an Enquêtes erméiglechen, an eng Rei Aarbechtsgruppen, déi sech mat Thematike befaasse wéi dem illegalen Drogenhandel. An deem Aarbechtsgrupp sinn och Vertrieder aus Nordrhein-Westfalen.

Et existéiere bilateral Verträge mat Frankräich, déi 2023 mam viregte franséischen Inneminister ofgeschloss goufen, fir **gemeinsam Kontrollen** an den Zich ze maachen. Am Januar 2024 hunn den Inneminister Léon Gloden an den deemolege franséischen Inneminister Gérald Darmanin en duebelen « arrangement administratif » ënnerschriwwen, deen déi praktesch Ëmsetzung vu mixt Patrullen tësche béide Länner op der Strooss an am Zuch reegelt. Et sinn och schonn esou mixt Patrullen an den Zich gemaach ginn. D'Patrullen op der Strooss wäerten Ufank nächst Joer ulafen.

Déi zoustänneg Servicer vu béide Partië concertéiere sech reegelméisseg fir gemeinsam Patrullen ze organiséieren an ze koordinéieren.

Zënter 2006 schaffen d'Police an d'Lëtzebuurger Justizautoritéiten, vertrauden duerch de Parquet Lëtzebuerg an Dikrech, mat den Homologen aus de BENELUX Länner a Frankräich zesummen, a Form vu reegelméissegem, gemeinsamen Echangingen am Kader vun der sougenannter "**Hazeldonk**" Kooperatioun. Dës Echangingen hunn och als Objet fir gemeinsam Solutiounen a Weeër ze fannen, fir d'Kooperatioun tëscht eise Länner am Kampf géint den Drogenhandel an déi organiséiert Kriminalitéit ze verbessern, haaptsächlech wat di kriminell Reseauen uginn, déi um Territoire vu méi Länner aktiv sinn. An dem Kader ginn och gemeinsam Kontrollen (sougenannt "Actions Etoile") tëschent de Policen organiséiert.

Fro 4 : Wäerten d'Gemengen, déi op de Grenze leien, wéi zum Beispill Péiteng, als direkt betraffe Gemengen, an Zukunft méi Beamten kréien?

D'Erhéijung vun Effektiver duerch de Rekrutement vun 200 Poliziste pro Joer, deen am Regierungsprogramm festgehalen ass, wäert alle Plicedéngschter zeguttkommen an et erlabe Kommissariater opzestocken.

D'Kommissariat CR 3 (commissariat à trois roulements) vun Déifferdeng, wat och zoustänneg ass fir Péiteng, an d'Kommissariat Käerjeng/Péiteng gehéieren och dozou. Dës kënnen zousätzlech vun anere Patrullen aus der Region Sud-Ouest ënnerstëtzt ginn, falls dat punktuell néideg ass.

Lëtzebuerg, den 5. Dezember 2024
Den Inneminister
(s.) Léon GLODEN